

Polis a calcula como ocho mil hende pa tumba

ORANJESTAD (AAN): E informe oficial cu DIARIO a ob-

tene di Cuerpo Policial ta indica cu e calculonan cu a ser

haci den Stadion di RCA Diabierna anochi ta indica cu tabata tin mas o menos 8.000 hende eyden.

Encuanto eleccion di Reina

Juvenil cu a tuma lugar Diahuebs anochi, polis a cal-

cula cu tabata tin mas o menos siete mil hende eyden, apoyan-

do y gritando, of djis canando rond.

Durante e eleccion di Reina Juvenil, tabata tin dos caso caminda dos dama a desmaya.

Polisnan a ser yama pa bay check un que otro, y a bin topa e damita M.W. di 16 aña kende ta biba na San Nicolas, y e tabata un di e promenan cu a cay flauw. Polis a puntre si e kier a bay Hospital cu am-

bulans pa haci un chequeo medico, pero el a nenga esaki cu e promesa di lo bay riba su mes. Aparentemente cu auto particular el a ser transporta pa policlinica.

E segundo caso tabata e dama J.A. di 22 aña bibando na Santa Cruz, kende si a bay di acuerdo pa bay cu ambulans pa hospital pa un chequeo medico.



No ta un costumbe den prensa den ripiti un articulo of un foto, pero si esaki ser haci, ta pasobra tin motivo. Motivo di e foto aki ta pa mostra cu e cas aki unda cu un auto a destrui ta eynan for di aña pasa. Cuanto tempo tin di spera pa drecha of kita esaki, ya cu e impresion cu e ta causando no ta di gaba. Y den boca di pueblo semper ta sali e remarca cu ta pakiko tin di warda asina tanto tempo, prome cu remedia algo cu por ser remedia?

CAYANAN YENA CU HENDE BURACHI

ORANJESTAD(AAN): Den e tres actividadnan grandi di fin di siman, y tambe e concurso di tumba por inclui, por a ripara cuan- to bebemento formal tin riba nos isla, na momento di celebracion di actividadnan di carnaval.

Diabierna anochi, den RCA unda cu bira por a ripara hendenan bao di nan awa. Varios di nan a haya nan envolvi den problemanan cu otro hende tambe durante e anochi.

Diasabra merdia na Noord, canto di ruta, aki y aya por a mira un persona cu poco bitter aden, pero riba caya mes canando parce cu nan tabata competi cu otro, kende ta keda riba pia mas largo.

Na un bar mas cerca di Centro di Bario, no tabata cos di papia mes. Aki por a mira nan tira un banda sin forza pa por a lanta pia.

Na dado momento por a nota hasta presidente di Staten dunando otro persona un man pa kita un persona bao di su awa for di canto di caminda y pone drumi un banda.

Tabata tin di nan geleun riba autonan cu botter ta brilla den sacu of cu nan "cantina di cuero" ta basha licor riba santo.

Na Playa ayera por a ripara tanto den Vondellaan como den Lloyd G. Smith Boulevard, varios di e personanan aki ta cana rond "tur cansa" di bebida y ainda buscando mas "pa caba cu e poco energia" cu a keda den nan curpa.

GRANDIOSO CONCURSO DI TRAILER

CAMPANJA PA TRAILERNAN CU DISENJO NOBO

PREMIOS PA E TRAILER MIHOR DECORA CU "AMSTEL"

1 PREMIO: AFLS. 1000,--

2 PREMIO: 15 CAHA DI AMSTEL

3 PREMIO: 10 CAHA DI AMSTEL



LICORES ARUBA NV